


STORM = ANORERSUAQ



**Nammineq allallu pissusilersuutaannik iliuusaanillu isumaliortaatsikkut
tunngasunik paasinnissinnaaneq (Mentalisering)**

Piginnaaneqarfiit (Ressourcer)

Piginnaasanik ineriartortitsineq (Opbyg evner)

**Nalaassimasani kingunerlutsitsinerit annikitsut annertuullu eqqarsaatigikkut
(Tænk små og store traumer)**

Isumannaassuseq (Sikkerhed)

Isumannaassuseq (Sikkerhed)

Atuartumut isumannaassutsimik pilersitsinermi atuartup ulluinnaa pineqarpoq, aammattaarli atuartup sakkortuunik nutaanik misigisaqannginnissaa pineqarluni. Atuartup aniguinnarani piginnaaneqarfimminik atuisinnaanngoqqinnissaanut isumannaannermik misigisimanissaa pingaaruteqarpoq. Isumannaassutsimik pisariaqartitsinerup allanngorarsinnaanera maluginiaruk. Atuartup pisut ilaanni piunasaqaatinik eqquutsitsisinnaanera nalinginnaavoq, pisulli ilaanni isumannaassutsimik pilersitsinissap annertuumik sulissutiginnissaa pisariaqartinneqarsinnaavoq ilikkarniarnermut atatillugu atuartoq aallussisinnaassappat.

Nalaassimasani kingunerlutsitsinerit annikitsut annertuullu eqqarsaatigikkat (Tænk små og store traumer)

Nalaassimasamik kingunerluutinik maluginninniarnermi atuartup qisuariaatai pissusaalu nalaassimasani kingunerlutsitsinernit imaluunniit inuunermi atugarisat artornartut kingorna qisuariaatinit peqquteqarsinnaanerat eqqumaffiginiarneqartarpoq. Tamassumani isumassarsiatsialaasinnaavoq sakkortuunik misigisaqarsimanerup kingorna qisuariaatit nalinginnaasut pillugit ilisimasaqarnissaq, eqqumaffiginiarnissai atuartorlu taakkuninnga oqaluttuunnissaa.

Piginnaasanik ineriartortitsineq (Opbyg evner)

Atuartup sunik piginnaasaqarnera kiisalu sutigut atuartup ukiuanut naleqquttumik ineriartortoqarsimannginnera eqqumaffiginiarneqartarput. Tamakkiisumik isigalugu pissutsit arfinillit aallaavigalugit meeqqap piginnaasai nalilersorneqarsinnaapput: 1) misigissutsit, 2) pissuseq, 3) eqqummaarissuseq/silaqassuseq, 4) timi, 5) namminiussuseq aamma 6) atassutit.

Piginnaaneqarfiit (Ressourcer)

Atuartup nammineq piginnaaneqarfini takunissaanut suliamik paasisimasallit ikorfartuisarput, tamanna atuartup pitsaanerusequmik imminut ilisarinnissinnaaneranut iluaqutaasarpoq. Suliamik paasisimasallit atuartup pisinnaasaanik takunnissinnaanissaat aamma piginnaasaqarfiinik paasineqarsimanngitsunik nassaarisinnaanissaat pingaaruteqarpoq. Piginnaaneqarfiit inunnguusit piginnaasaqarfittut, pitsaasumik pissusisut, inuttut ilisarnaatitut sapinnginnissamullu periutsitut siammasissumik paasineqartarput.

Nammineq allallu pissusilersuutaannik iliuusaanillu isumaliortaatsikkut tunngasunik paasinnissinnaaneq (Mentalisering).

Mentaliseringi attatiinnarneqassaaq. Ilungersunarsigaangat suleqatit isummersoqatigisakkat qinnuivigalugillu isumaliortaatsimik attassinissannut ikiuteqqullugit.

Kilde: Østergaard Gagelquist, Janna og Sarah Long Jonsson (2021): Mentalisering i Skolen. Hans Reitzels forlag. (oversættelse v. Grønlands Universitet, Ilisimatusarfik)